

Nangabe kwesaba / luvalo
Iwebudlova bemndeni /
Iwekuhlukumeteka
kwemndeni lulandzelela
imphilo yakho ...



bible society

of south africa

Awuwedvwa!

Mhlawumbe ungułomunye wetinkhulungwane tebantfu balelive lakitsi labahlangabetana nekuhlukubeteka emndenini/budlova basekhaya. Njengabo bonkhe labahlukunyetwa, ingabe uyatisola yini ngalokuhlukunyetwa ubuye futsi utive kutsi kukhona lokungasikahle lokwentile lokwenta kutsi lokujeziswa kukufanele?

Libhayibheli alikwesekeli kuhlukunyetwa

Jesu weta emhlabeni kutewukhulula bantfu ebugcilini. Uletsa kuhleleka kwetenhlalo lokusha lapho khona yonkhe indvodza, umfati kanye nemntfwana unelilungelo lekuphatfwa ngalokufanele nangebuntfu.

“Njengobe neNdvodzana yeMuntfu ayitelanga kakhontwa, kepha yetela kutawukhonta nekunikela ngemphilo yayo, kutsi ibe yinhlawulo yalabanyenti.”

MATEWU 20:28

Nine nitsengwe nguNkulunkulu ngelinani lelikhulu; ningabi tigcili tebantfu!

1 KUBASEKHORINTE 7:23

Anati yini kutsi nine nilithempeli laNkulunkulu nekutsi Moya waNkulunkulu uhlala ekhatsi kini? Nangabe umuntfu abhidlita lithempeli laNkulunkulu, Nkulunkulu, uyakumbhidlita naye. Ngobe lithempeli laNkulunkulu lingcwele, nine-ke ningilo lelithempeli.

1 KUBASEKHORINTE 3:16-17

Lihlazo lekuhlukubetwa

Njengemuntfu lohlukubetiwe, ungativa ukulelikhulu lihlazo libuye futsi likwente kutsi utive sengatsi wena awukafanelwa kutsandvwa. Kepha Libhayibheli

liyakucinisekisa kutsi wakhiwe
ngemfanekiso waNkulunkulu.

Ngako Nkulunkulu wadala umuntfu
waba ngumfanekiso wakhe;
wamdale waba ngumfanekiso
waNkulunkulu:
wabadala, lomdvuna nalomsikati.

GENESISI 1:27

Nkulunkulu wacophelela kakhulu
nakabumba wena:

Ngobe nguwe lowadala imibilini yami,
wangeluka esiswini samake.
Ngiyakudvumisa ngobe ngentiwe
ngendlela leyesabekako
nalemangalisako.

Imisebenti yakho iyamangalisa,
loko ngikwati kahle kamhlophe.

TIHLABELELO 139:13-14

Yemukela kutsi Nkulunkulu uyakutsandza

Ungumntfwana waNkulunkulu
lamtsandzako longakafaneli kutsi
ahlukunyetwe:

Ngobe anemukelanga umoya webugcili
wekutsi nibuye nesabe, kodvwa
nemukela Moya losenta emadvodzana,
sikhulume ngaye kuNkulunkulu sitsi:
“Babe! Babe wami!”

NguMoya lucobo lofakazelana nemoya
wetfu kutsi sibantfwana baNkulunkulu.

KUBASEROMA 8:15-16

Nome ngusiphi sidalwa, kungeke kube
nemandla ekusehlukanisa nelutsandvo
IwaNkulunkulu lolukuKhristu Jesu,
iNkhosi yetfu.

KUBASEROMA 8:39b

*Imibhalo yemavesi itsetfwe
eBhayibhelini leSiswati 1996.

Nkulunkulu ungumvikeli wakho

“Simakadze ulidvwala lami,
nenqaba yami, neMkhululi wami;
Nkulunkulu wami, ulidvwala lami
lengiphephela kulo.
Usihlangu sami sekungivikela
nemandla ensindziso yami.
Yena ungumgedze wami wekubhaca.
Usiphephelo sami neMsindzisi wami.
Etigebengwini, wena uyangisindzisa.”

2 SAMUWELI 22:2-3

Tfola lusito!

Tinengi tinhlangano letikhona eNingizimu
Afrika letitinikele ekusiteni labo
labasebudlelwaneni lobubahlukubetako.

Shayela i-Lifeline ku:
0800 150 150

Tinyembeti tingaba khona ebusuku,
kodvwa ngakusasa ekuseni kube
kujabula.

TIHLABELELO 30:5b



Ishicilelwwe yabuye futsi
yasatjalaliswa yiNhlangano
yetelibhayibheli yaseNingizimu Afrika.

www.biblesociety.co.za